

„თეოკრატიული რეჟიმის წამყვანი ხელისუფლების სისტემატიზაცია. საცაო უნდა დასრულდეს, იგი ყველგან სერიოზულ... ყოველი სახელმწიფო, რიგობს წესზე ცოცხალი თუ სუფთა დაძვარა, ხაზი-ხაზიდან ანის დაყოფილი, რომ მივყავთ და ბუნებრივად ავადიანი იყოს.“

ხობის მოამბე

№ 19 (7078) 29 სექტემბერი, ხუთშაბათი, 2016 წელი. ჯანსი 0,70 თეთრი.

ხობის მუნიციპალიტეტის განვითარება

ხალხის მხარდაჭერა და ნდობა განამტკიცებს ჩვენს ქალას

გიორგი კვიციანი, საქართველოს პრემიერ-მინისტრი, „ქართული ოცნება-დემოკრატიული საქართველო“ თავმჯდომარე.



როდეს შეასრულებს და თითოეულ მოქალაქეს სრულიად ახალ შესაძლებლობებს გაუჩენს. საგადასახადო სისტემის რეფორმა, დამწყები ბიზნესის ხელშეწყობა, ახალგაზრდების წახალისება, ტურიზმის განვითარების ხელშეწყობა, ეკონომიკურ განვითარებაზე ორიენტირებული განათლების სისტემა, რეგიონებში ინფრასტრუქტურული პროექტების დაჩქარება, სახელმწიფო უწყებების მუშაობის ეფექტიანობის გაზრდა-ეს ის აუცილებელი პირობებია, რომელთა შესრულებაც ქვეყანას ახალ ეტაპზე გადაიყვანს და ხალხს მეტ კეთილდღეობას მოუტანს.

2012 წლის საპარლამენტო არჩევნებში „ქართული ოცნების“ გამარჯვებამ საქართველოს უახლეს ისტორიაში გარდამტეხი როლი შეასრულა და ქვეყანა განვითარების სწორ გზაზე დააყენა. ამ 4 წელიწადში დავამტკიცეთ, რომ „ქართული ოცნებისთვის“ უმთავრესი ღირებულება ადამიანი და მისი თავისუფლება, თითოეული მოქალაქის მშვიდი და სტაბილური ცხოვრება, ჯანდაცვითა და სოციალური პირობებით უზრუნველყოფაა. ჩვენ, სწორი და გონივრული პოლიტიკით, შეიარაღებული კონფლიქტები და ომის განახლების საფრთხე ავირიდეთ თავიდან.

დღეს კი ხალხს ქვეყნის სწრაფი განვითარების კონკრეტულ, ოთხპუნქტიან გეგმას ვთავაზობთ, რომელიც საქართველოს წისვლაში გარდამტეხ

წინ საპარლამენტო არჩევნებია. „ქართული ოცნება-დემოკრატიული საქართველო“ არის ქმედითი და უაღტერნატივო პოლიტიკური ძალა, რომელსაც შესწევს უნარი, დაწყებული საქმე ბოლომდე მიიყვანოს. ხალხის მხარდაჭერა და ნდობა განამტკიცებს ჩვენს ძალას. დარწმუნებული ვარ, თქვენთან ერთად, გაერთიანებული ძალებით, ჩვენ ერთად ავაშენებთ თავისუფალ, დემოკრატიულ, სტაბილურ და წარმატებულ ქვეყანას, სადაც ხალხის ღირსეული ცხოვრებისთვის ყველა პირობა იქნება შექმნილი.

აფხაზეთი – ბიჭვინთი ჩვენს სოხუმის დაცემიდან 23 წელი გავიდა...



ათასზე მეტი ქართველი ჯარისკაცი და მშვიდობიანი მოქალაქე დაიღუპა. 300 ათასი აფხაზეთიდან დევნილი კი, უსახლკაროდ დარჩა. სოხუმის დაცემის დღეს რუსმა ოკუპანტებმა და აფხაზმა სეპარატისტებმა აფხაზეთის უზენაესი საბჭოს თავმჯდომარე ყოფილი შარტავა 30-მდე ქართველთან ერთად დახვრიტეს.

ხობის მუნიციპალიტეტის გამგებელი გონა ქაჯაია, საკრებულოს თავმჯდომარე ედიშერ ჯობაჯა და ადგილობრივი ხელისუფლების წარმომადგენლები ამ დღეს დაღუპულთა სულის მოსახსენიებელ პანაშვიდს დაესწრნენ.

სამხედრო დაპირისპირება აფხაზეთში 1992 წლის 14 აგვისტოს დაიწყო. კონფლიქტი ქართულ სამთავრობო ჯარებსა და აფხაზ სეპარატისტულ ძალებს შორის 13 თვესა და 13 დღეს გრძელდებოდა. ქართულ შენაერთებს აფხაზებთან ერთად ჩრდილოეთ კავკასიიდან დაქირავებული მებრძოლები, კახაკთა მილიციისა და არაოფიციალურად გუდაუთაში განლაგებული რუსეთის სამხედრო ბაზის შენაერთები ებრძოდნენ. ქართული მხარის მონაცემებით, ამ ბრძოლაში 10



ნოდარ ჯავახიშვილი: ააბივი მონღა, სოხის მოსახლეობისთვის „ქართული ოცნების“ კანდიდატი ვიქნები



ჩამოვიდა. მინისტრი შეკრებილ საზოგადოებას კანდიდატთან მის მრავალწლიან საქმიან ურთიერთობებზე და სამინისტროში დაწყებულ სამომავლო პროექტებზე ესაუბრა.

„ჩამოვედი ხობში, რათა მხარი დაეუჭირო მმართველი პარტიის ღირსეულ წარმომადგენელს, რომელიც იყო ჩემი თანამშრომელი და თანამებრძოლი. მახსოვს, 2012 წელს ეს ახალგაზრდა როგორ იბრძოდა ბანკის და ხალხის გადასარჩენად. კარგად ვიცნობ ირაკლის პიროვნებას. მჯერა, ის არასდროს მოგატყუებთ. უამრავი დეპუტატობის კანდიდატი შეგპირდებოდა ბევრ რამეს. სიმართლე გითხრათ, ასეთ დაპირებებზე ირონიულად მეღიმიება. იმიტომ კი არა, რომ ცუდი ადამიანები არიან. იმიტომ მეღიმიება, რომ მათ არა აქვთ საფუძველი პასუხისმგებლობის. ჩვენ, რასაც შეგპირდებით, აუცილებლად შევასრულებთ“, – აღნიშნა ნოდარ ჯავახიშვილმა.

საქართველოს რეგიონული განვითარებისა და ინფრასტრუქტურის მინისტრი ნოდარ ჯავახიშვილი „ქართული ოცნება-დემოკრატიული საქართველო“ ხობის მაჟორიტარი დეპუტატობის კანდიდატს ირაკლი (დაჩი) ბერაიას მხარდასაჭერად

სოხის მუნიციპალიტეტის საკრებულოს სხდომა



28 სექტემბერს ხობის მუნიციპალიტეტის საკრებულოს სხდომათა დარბაზში გაიმართა საკრებულოს მორიგი სხდომა, რომელსაც თავმჯდომარეობდა საკრებულოს თავმჯდომარე ედიშერ ჯობაჯა. სხდომას ესწრებოდნენ საკრებულოსა და გამგეობის ხელმძღვანელი პირები. სხდომაზე განხილულიქნა დღის წესრიგით გათვალისწინებული საკითხები.



გამოვთქვამთ მწუხარებას დამსახურებული პედაგოგის და ხობის საპატიო მოქალაქის შალვა ხარებავას გარდაცვალების გამო და ვუსამძიმრებთ გარდაცვლილის ოჯახს. შალვა ხარებავა წლების განმავლობაში მუხლჩაუხრელად მოღვაწეობდა საგანმანათლებლო სფეროში და დიდი წვლილი შეიტანა ქვეყნისთვის ღირსეული თაობების აღზრდის საქმეში. მას 2014 წელს განათლების სფეროში შეტანილი განსაკუთრებული წვლილისა და 80 წლის იუბილესთან დაკავშირებით მიენიჭა „ხობის საპატიო მოქალაქის“ წოდება.

სოხის მუნიციპალიტეტის გამგეობა და საკრებულო.

ჩვენს მუნიციპალიტეტში

სოფლის მხარდაჭერის პროგრამა



ნობის მუნიციპალიტეტის ბიის ადმინისტრაციულ ერთეულში, „სოფლის მხარდაჭერის პროგრამის“ ფარგლებში ორი წისქვილის მშენებლობა მიმდინარეობს. პროექტს, რომლის სახელშეკრულებო ღირებულება 13816 ლარია, ი/მ „ბადრი ბუკია“ ახორციელებს.

ბიის ადმინისტრაციულ ერთეულში „სოფლის მხარდაჭერის პროგრამით“, მიმდინარე წელს უკვე განხორციელდა, სანიაღვრე არხების ამოწმების და შიდა სასოფლო გზების შეკეთების სამუშაოები.

ახოვისია ოჯახების სოციალურ-ეკონომიკურ მდგომარეობას გააცნო



ნობის მუნიციპალიტეტში სოციალურად დაუცველი და ეკონომიკურად შეჭირვებული მოსახლეობის სოციალურ-ეკონომიკური მდგომარეობის გაუმჯობესებისა და ხელშეწყობის მუნიციპალური პროგრამა მოქმედებს, რომელიც სოციალურად დაუცველი ოჯახების (რომლებიც რეგისტრირებული არიან მონაცემთა ერთიან ბაზაში, რომელთა

სოციალური და ჯანმრთელობის დაცვის მუნიციპალური პროგრამების უზრუნველყოფის კომისია, თორსადღვაბის, ქვემო ქვალონის და ქ. ხობის ადმინისტრაციულ ერთეულებში მცხოვრები მოქალაქეების განცხადების საფუძველზე, ადგილზე გაეცნო მათ სოციალურ-ეკონომიკურ მდგომარეობას.

სარეიტინგო ქულა არ აღემატება 100 ათას ქულას და რომელთა სახლები ავარიულ მდგომარეობაშია) სახლების შესაკეთებლად ერთჯერადი თანხით დახმარებას ითვალისწინებს. ამ დროისათვის, 14 ბენეფიციარს გაეწია 26 000 ლარის დახმარება.

აქცია „დავასუფთაოთ ხარამი“

ნობის მუნიციპალიტეტში ხობის მუნიციპალიტეტის გამგეობის, საკრებულოს, იურიდიული პირების თანამშრომლებმა აქციაში „დავასუფთაოთ ხარამი“ მიიღეს მონაწილეობა და ერთად დაასუფთავეს ქალაქის ტერიტორია. დასუფთავების აქციას მუნიციპალიტეტის მასშტაბით ადმინისტრაციული ერთეულების წარმომადგენლები და საჯარო სკოლის მოსწავლეებიც შეუერთდნენ.



14-15-16 სექტემბერს მსოფლიოს მრავალ ქვეყანაში ტარდება დასუფთავების ყოველწლიური საერთაშორისო კამპანია – „დავასუფთაოთ მსოფლიო“ (Clean Up the World), რომელიც 1992 წელს დაფუძნდა გაეროს გარემოსდაცვითი პროგრამის (UNEP) ინიციატივით. კამპანია ტარდება ყოველ სექტემბერს და მასში 130-მდე ქვეყანა მონაწილეობს. 2016 წელს მსოფლიო კამპანიის დევიზია: „ჩვენი ქვეყანა... ჩვენი პლანეტა... ჩვენი პასუხისმგებლობა“.

საქართველო ამ აქციაში უკვე მეხუთედ ღებულობს მონაწილეობას. აქცია შედეგით მთავრობის ფინანსური უზრუნველყოფით ხორციელდება, რომელსაც ორგანიზებას უწევს პროექტი-„დავასუფთაოთ საქართველოს“ განმახორციელებელი არასამთავრობო ორგანიზაციათა კონსორციუმი („საქართველოს მწვანეთა მოძრაობა/დედამიწის მეგობრები-საქართველო“, საქართველოს ბუნების მკვლევართა კავშირი „ორქისი“ და „ეკოლოგიური ცნობიერების ამაღლება და ნარჩენების მართვა“). კამპანიის მიზანია ადამიანების გაერთიანება ერთი იდეის გარშემო – შეუქმნან საკუთარ შეილებსა და ოჯახს ჯანმრთელ გარემოში ცხოვრების პირობები.

მიმდინარეობს დაგეგმილი გზების მოსწავლტება

ქალაქ ხობში, წყალმომარაგების სისტემის რეაბილიტაციის დროს დაზიანებული გზების მოსწავლტება მიმდინარეობს, რომელსაც შპს „შარა-გ ზამშენი პირველი“ ახორციელებს.



საქართველოს რეგიონული განვითარებისა და ინფრასტრუქტურის სამინისტროს „მუნიციპალური განვითარების ფონდი“, „გაერთიანებული წყალმომარაგების კომპანიასთან“ ერთად ქალაქ ხობში წყალმომარაგების გაუმჯობესების მიზნით სარეაბილიტაციო სამუშაოებს აწარმოებს. სამუშაოს დასრულების შემდეგ ქ. ხობის მოსახლეობა ხარისხიან წყალს 24 საათიან რეჟიმში მიიღებს.

სპორტი რამაზ კიტიას სახელობის გურნიკი ბინი-ფინანსური დასრულდა



რაში გუნდი „კოლხეთი“ დაამარცხა; ხოლო მესამე ადგილი ხობის სახანძრო-სამაშველო სამსახურის გუნდმა დაიკავა. ტურნირის გამარჯვებულ და საპრიზო ადგილებზე გასულ გუნდებს, ასევე სხვადასხვა ინდივიდუალურ ნომინაციებში საუკეთესოდ დასახელებულ ფეხბურთელებს თასები და სიგელები გადაეცათ.

ახალი ხობის ადმინისტრაციულ ერთეულში, რამაზ კიტიას სახელობის სტადიონზე, სამსახურეობრივი მოვალეობის შესრულების დროს, სოფელ ხურჩაში დაღუპული ხობელი პოლიციელის, რამაზ კიტიას ხსოვნისადმი მიძღვნილი საფეხბურთო ტურნირის ფინალური შეხვედრები გაიმართა. ტურნირის გამარჯვებული შპს „ჯორჯიან პროდაქტ რენესანსი“ გახდა, რომელმაც ფინალურ შეხვედ-

ფინალურ მატჩს, რამაზ კიტიას ოჯახის წევრებთან ერთად, ხობის მუნიციპალიტეტის გამგებელი გორჩაქაჯია, საკრებულოს თავმჯდომარე ედიშერ ჯობავა და გამგებლის მოადგილე მახარე ჩოკორაია ესწრებოდნენ. სპორტული ღონისძიება, ადგილობრივი თვითმმართველობის მხარდაჭერითა და ა(ა)იპ „ნობის მუნიციპალიტეტის საფეხბურთო კლუბ „კოლხეთის“ ორგანიზებით განხორციელდა.

ლევან ჭოჭუას სახელობის თასის გათამაშება

ქარიატის ადმინისტრაციულ ერთეულში დასრულდა 2008 წელს აგვისტოს ომის დროს დაღუპული რეზერვისტის, ლევან ჭოჭუას სახელობის თასის გათამაშება მინი-ფეხბურთში.



ტურნირის გამარჯვებული ქ. ხობის გუნდი გახდა, რომელმაც ფინალურ შეხვედრაში გამოლმა ქარიატა, ანგარიშით 3-1 დაამარცხა; ხოლო მესამე ადგილი შუა ხორგის ადმინისტრაციული ერთეულის გუნდმა დაიკავა. ტურნირის გამარჯვებულ და საპრიზო ადგილებზე გასულ გუნდებს, ასევე სხვადასხვა ინდივიდუალურ ნომინაციებში საუკეთესოდ დასახელებულ ფეხბურთელებს თასები და სიგელები გადაეცათ.

ფინალურ მატჩს საკრებულოს თავმჯდომარე ედიშერ ჯობავა და გამგებლის მოადგილე მახარე ჩოკორაია ესწრებოდნენ. სპორტული ღონისძიება, ადგილობრივი თვითმმართველობის მხარდაჭერითა და ა(ა)იპ „ნობის მუნიციპალიტეტის საფეხბურთო კლუბ „კოლხეთის“ ორგანიზებით განხორციელდა.

აფხაზეთი — მკვირილი ჩვენი

27 სექტემბერი — სოს უმის დაცემის დღე!

„ნეტავი, იქ თუაქრი არის?!“

პუბლიკაცია, რომელსაც დღეს გთავაზობთ, დიდი მსახიობის რამაზ ჩხიკვაძის და რუსთაველის თეატრის სოხუმში უკანასკნელი გასტროლების შესახებაა.

ორიოდ დღეში სოხუმი დაეცა.

ასე იყო, — ისწავებს საქართველოს სახალხო არტისტი ჯემალ დაღანიძე, უკანასკნელი მოპიკანი ქართული სცენის კორიფეო იმ კოპორტი-სა, რომლის მსგავსი, ვეჭვობ, გამეორდეს ჩვენი ქვეყნის კულტურის ისტორიაში, — უმძიმესი დღეები ედგა მამინ საქართველოს, ომი იყო, აფხაზეთის ომი.

ედუარდ შევარდნაძე სახელმწიფო საბჭოს (იოსელიანი, სიგუა, კიტოვანი) წევრი გახლდათ. ჰოდა, მან მამინ-დელ კულტურის მინისტრს ვალერი ასათიანს მოუწონა იდეა, სოხუმში მებრძოლი ჩვენი ჯარისკაცებისთვის გაემართათ კონცერტი, ან სხვა რამ მსგავსი ღონისძიება. სჭირდებოდა ეს ჩვენს ბიჭებს იმ გამუდმებული დამაბულობიდან ცოტა ხნით მაინც გამოსასვლელად, რომელშიც დღედაღამ უწევდათ ყოფნა — სიკვდილ-სიცოცხლის ზღვარზე.

სოხუმი ფრონტისპირა ქალაქი იყო და განუწყვეტლივ იბომბებოდა...

შევარდნაძემ მხარი კი დაუჭირა, მაგრამ როგორც ვალერი ასათიანი ისწავებს, იყვნენ ისეთებიც, ვინც აჩქარებას არ ურჩევდა, დაელოდათ, ვითარება დაწყნარდებოდა, ვიმედვე ჩადითო აფხაზეთში.

რატომ შემდეგ? სხვა თუ არაფერი, ისტორიული გამოცდილება კარნახობდა, ახსენებდა სამამულე ომის გამოცდილებას, როცა საომარ მოქმედებათა წინა ხაზზე კულტურისა და ხელოვნების გამოჩენილი მოღვაწეების საგანგებო ბრიგადები ჩადიოდნენ სწორედ ამ მიზნით.

უდადეგ არ ღირდა.

განდახევასათვი იქნებოდა.

თორმეტკაციანი იყო ჩვენი ჯგუფი, — განაგრძობს ბატონი ჯემალი, — პირველი, რა თქმა უნდა, რამაზ ჩხიკვაძე იყო, შემდეგ გურამ საღარაძე, კახი კავსაძე, ჟანრი ლოლაშვილი, სოსო ლალიძე, ნანა ფაჩუაშვილი, თათული დოლიძე, ლეილა სიყმაშვილი, დავით ჩხიკვაძე (მსახიობი, რომელიც ჩვენთან ერთად მღეროდა), ავთანდილ ვარსიმაშვილი, თავისუფალი თეატრის რეჟისორი, ამათ მეც მითავალეთ. წამოსული იყო ნატაშა ჩხიკვაძე, რამაზის მეუღლე. ჯგუფში გვყავდა ხმის ოპერატორი ბეჟან შერეზადაშვილი, გამნათებელი ვალიკო არუთინოვი.

წარმოდგენის გასამრავალფეროვნებლად კულტურის მინისტრმა მომღერლებიც დაგვიმატა: მათ შორის — ეკა მამალაძე, თამარიკო ჭოხონელიძე.

საქართველოს მწერალთა კავშირის თავმჯდომარე გურამ

ფანჯიკიძე ჩვენს ჯგუფს წონას მატებდა და ამ აქციის მნიშვნელობას ხაზს უსვამდა.

ამ დროს რობიკო სტურუა ინგლისში იყო მიწვეული სპექტაკლის დასადგმელად და, ბუნებრივია, სოხუმში ვერ ჩამოვიდოდა. ეს ძალიან გულდასაწყვეტი იყო, რადგან ვთამაშობდით ნაწევრებს სწორედ მის მიერ დადგმული სპექტაკლი სპექტაკლებიდან: „კავკასიური ცარცის წრე“, „რიჩარდ III“, „მეფე ლირი“...

სოხუმი რომ ფრონტისპირა ქალაქი იყო, ჩარტერული რეისით ჩაფრენისთანავე ვიგრძენით: ავტობუსი „იკარუსი“, რომელიც დაგვანგებდნენ, შემოვლითი გზებით

უკანასკნელი გასტროლები სოხუმში

ატარეს, ქალაქის ცენტრში რომ მივსულიყავით, მიგვაცილებდნენ ჯარისკაცები, რომლებსაც შესაძლო თავდასხმისგან უნდა დაეცვათ მგზავრები. არაფერი გამოცრეხული არ იყო.

როგორც იქნა, მივალწვიეთ თეატრამდე. შენობის კარ-ფანჯრები ფიცრებით იყო აჭედვნილი. მოვანხეთ ადამიანი, რომელსაც თეატრის დარჯობა ჰქონდა მინდობილი. გაერთიანებული ძალებით ჩამოვგლიჯეთ ფიცრები. შევედით შენობაში. ძნელი წარმოსადგენია, რაც იქ დაგვხვდა — ჭუჭყი და მტვრით იყო სავსე თეატრი. რაც შეგვეძლო, გავწმინდეთ, დავერტყეთ ფარდები, დაგვხვტეთ სცენა, დარბაზი, მტკერი მოვაცილეთ სავარძლებს.

ტემპში ვმუშაობდით, რადგან წარმოდგენა დღისით უნდა გაგვემართა — ელექტროენერჯის გამორთვა სოხუმში ჩვეულებრივ ამბად იყო მიჩნეული.

სამი საათისთვის მაყურებლებით გაივსო დარბაზი. ძირითადად ჯარისკაცები იყვნენ, ქალაქის მოსახლეობაც მოვიდა.

წარმატება არაჩვეულებრივი იყო, არნახული.

— წარმოდგენა რომ დამთავრდა, ეს ფოტოსურათი გადავიღეთ. განათება არ ყოფნიდა და, ცხადია, ხარისხიც დაბალია. ციფრული ფოტოკამერები კი იმ დროს საქართველოში ჯერ არ იყო შემოსული. ყველანი სურათზე ვართ ალბეჯდები — მსახიობები, ჩვენი დამხმარენი და, რაც მთავარია, მაყურებლები — ქართველი ჯარისკაცები. შეიძლება ითქვას, ისტორიული სურათია.

უკანა გზაზე, კელასურში, აეროპორტს რომ უახლოვდებოდნენ, ავტობუსი გააჩერებინა გენო კალანდიაძე, ქართველმა პოეტმა, რომელიც საქართველოს პარლამენტის

წევრი იყო და აფხაზეთის მწერალთა კავშირს თავმჯდომარეობდა. გააჩერებინა ავტობუსი, გადმობრძანება სთხოვა ყველას და ზურაბ შენგელაიას ოჯახში შეიპატიჟა: ბატონ გენოს თავისი დეიდაშვილისთვის უთხოვია, სტუმრები მყავს და აბა, შენ იცი, ღირსეული მასპინძლობა გამაწვევინო. ზურაბ შენგელაიას ქართველი კლასიკოსის ლეო ქიაჩელიშვილის შთამომავალს, ცნობილი ქართველი ისტორიკოსის შოთა მესხიას ბიძაშვილს, სულით ხორცამდე ქართული ტრადიციების ერთგულ კაცს, რაღა თქმა უნდა, ისეთი სუფრა გაუშლია, როგორც პატივისცემ სტუმრებს ეკადრებოდა, თავი არ შეურცხვნიდა. იმ გაჭირვებულ სოხუმში ასეთი გულუხვობა სასწაული იყო.

მაგრამ პური არ ცხვებოდა მამინ ქალაქში და ბოდიში მოუხდია მასპინძელს ამის გამო.

ვალერი ასათიანს, „სოხუმის დესანტის“ ორგანიზატორსა და სულის ჩამდგმელს, ეს ნიუანსიც გაუთვალისწინებია და თვითმფრინავიდან, სადაც თბილისიდან წამოდებული საგზაო ეწყო, სულ კახური დედას პურებით შეუვსია ის მადლიანი სუფრა.

თამადად გენო კალანდია დამდგარა.

— ამასობაში ჩამოვადე, მანქანის ფარებზე გავაგრძელებ ნადიმი ჩვენ და ჯარისკაცებმა. არაჩვეულებრივი, არნახული დრო გავატარეთ, და ამ ტალღით ატაცებულმა თვითმფრინავში გავაგრძელებ სადღეგრძელოების თქმა — ყველა ჯემალ დაღანიძე. — თითქოს ომი არ იყო, თითქოს არაფერს ნიშნავდა, რომ ჩვენი „იაკ-40“ გამორთული ნათურებით აფრინდა, სეპარატისტების არტილერიის სამიზნე რომ არ გამხდარიყო.

თამადად ვალერი ასათიანი გვყავდა. მოგეხსენებათ, რა თამადაც არის, არაფერი შეშლია. მაგრამ დრო ვერ გათვალა და ბოლო სადღეგრძელოც დირსეულად რომ შეესვით თანამეინახეებს, მფრინავს სთხოვა, ერთი წრე კიდევ დაერტყა, შემდეგ დაშვებულიყო. „იაკ-40“ ერთხელ კიდევ შემოველო თავზე საქართველოს დედაქალაქს, ყველამ ჩვენი სიტყვის თქმა მოვასწარი.

— რა სადღეგრძელო თქვით, ბატონო ვალერი? — ვეკითხები ვალერი ასათიანს.

— საქართველოს გაერთიანების სადღეგრძელო იყო. ბოროტზე კეთილის ძღვევის.

— ბატონო ვალერი, თქვენ გქონდათ შესაძლებლობა იმ წარმოდგენის მსვლელობის დროს მაყურებელთა რეაქციისთვის მიგვედევნებინათ თვალი.

გიახსუხებთ ამ შეკითხვაზე, მაგრამ მანამდე მინდა ვთქვა, რომ ჩვენს ჯგუფს სოხუმელები კელასურში დაგვხვდნენ. მათ შორის იყო ლორიკ მარშანია, გენო კალანდია, გენერალი ადამია და სხვები. გოგა ხაინდრავა, რომელიც მამინ სახელმწიფო მინისტრი იყო, პირდაპირ თეატრში მოვიდა, დაცვის თანხლებით, წარმოდგენაზე ბოლომდე ვერ დარჩა. აღელვებული და აფორიაქებული ჩანდა, რაც იმ ვითარებაში გასაგები და ბუნებრივი იყო.

არ მინდა სიტყვა „დაბნეულობა“ ვიხმარო, მაგრამ როგორც პატარა ბავშვები, ისე საოთონი, თბილები და გულჩვილები ჩანდნენ ჩვენი ჯარისკაცები. ვერ გადმოგვცემთ, რა დაემართათ, როცა დაგვინახეს: როგორც ძველ მეგობრებსა და ახლობლებს ეგებებოდნენ და ეხუტებოდნენ ჩვენს სახელგანთქმულ არტისტებს — რამაზ ჩხიკვაძეს, გურამ საღარაძეს, კახი კავსაძეს, ჯემალ დაღანიძეს, ჟანრი ლოლაშვილს, სოსო ლალიძე, ჩვენს ბრწყინვალე მსახიობ ქალბატონებს.

მედი ვარ. აი, ჩემი უნებელი ბოროტმოქმედების მამხილებელი საბუთი (გადასცემს ჯარისკაცებს „საბუთს“, რომლებიც მას უაზროდ ხელში ატრიალებენ). ხმა ამოიღე, შალვა, ხომ ხედავ, ამ ხალხმა კითხვა არ იცის. თქვი, შალვა, თქვი, როგორ ვცდილობდი მთელი დღე, ამ ბოროტმოქმედისთვის ფარდა ამეხადა.

შალვა: — თან სულ მემუქრებოდა, ბატონო...

აზღაკი: — ეხეც იყო, ვერ დავმალოვ.

შალვა: — ჰოდა, ასეთი რამ არ გეკადრება, აზღაკ!

აზღაკი: — ხმა ჩაიწყვიტე, შალვა! შენ გავიწყდება, რომ ახალი დრო დადგა! პოლიციელებს მუსრს გაავლებენ. ახლა უმჯობესია, კაცმა თვითონ აღიაროს თავისი დანაშაული, თორემ ხალხის რისხვას ვერსად დავმალოვ! სად არის მოსამართლე, რომ მოვიდეს და გამოსამართლოს! სად არის მისი აღმატებულება, ბატონი გუბერნატორი?..

ჯარისკაცი: — მაინც რას მოელოდი ჩვენგან?

აზღაკი: — რაც სპარსეთში მოხდა.

ჯარისკაცი: — მერედა, რა მოხდა სპარსეთში?

აზღაკი: — ამ ორმოცი წლის წინათ ყველანი ჩამოახრჩეს... ბაბუაჩემი თვითონ მოსწრებია ყოველივე ამას. სამ დღეში გაუყულებიათ ყველანი.

ჯარისკაცი: — მერედა, რის გამო მოხდა ეს ყველაფერი, შე თათარო, შენა?

აზღაკი: — თქვენ გაინტერესებთ, რის გამო მოხდა ეს ყველაფერი, მე თათარო, შენა?..

(და იწყება სპექტაკლის კულმინაცია, აზღაკის მონოლოგი-სიმღერა).

— ბაბუაჩემმა ეს სიმღერა დამიტოვა, მამინ იქ, სპარსეთში ასე მღეროდნენ... მე და ჩემი მეგობრები გიმღერებთ. შალვა! შალვა! თოკი! თოკი მაგრად გეჭიროს, ბრიველი! ეს სიმღერას უხდება. გთხოვთ!

რატომ ჩვენს კაცებს აღარა აქვთ ძარღვები სისხლი?

ჩვენს ქალებს ცრემლი რატომ დაუშრათ?

და რატომ შერჩათ სისხლი სასაკლაოზე მიღენილ ხორბებს?

ცრემლი კი — წყლის ნაპირს მტირალ ტირიფებს? რატომ?..

(და ჩხიკვაძის ბელკანტომ ჩამოიღო სოხუმის თეატრის ჭერი, აავსო სივრცე ომით და-მუხტული და სიცოცხლის გამარჯვებლად ჩაიდგარა ჩვენი მებრძოლების ანთებულ გულებში)

ქართული თეატრი ბრწყინვალედა სოხუმის სცენაზე.

ფარდა დაეშვა...


„ნეტავი, იქ არის თეატრი?“

არამაზ სანძღიძე.

P.S. ასეთია ერთი სპექტაკლის ისტორია, რომელიც ჩვენს მკითხველებს გავაცანით. ისტორია, რომელიც არ ჰგავს იმ ბლლარძენსოებს, ქართული ტელეეკრანები და სცენა რომ დაიპყრო სამწუხაროდ.

უფრო საწუხარი კი ის არის, რომ იმ წარმოდგენის მონაწილეთაგან ზოგიერთი და დამსწრეთა უმეტესობა — ჯარისკაცები ჩვენს პუბლიკაციას ვერ გაეცნობა: ღმერთმა გაანათლოს მათი სულები!

ნობის საპატიო მოქალაქე



„ცოცნეობის“ საერო-საეკლესიო დღესასწაული ხობელებისთვის უკვე სისხლხორცეული გახდა. ტრადიციულად ამ დღეს სხვა დირსსახსოვარ ტონისძიებებთან ერთად, ძალიან მნიშვნელოვან და აუცილებელ ტრადიციასაც ჩაეყარა საფუძველი. ესაა ხობის „საპატიო მოქალაქეთა“ წარდგენა, როგორც ყოველთვის, ახლაც რამდენიმე ხობელი გახდა ამ ტიტულის-„ხობის საპატიო მოქალაქე“ მფლობელი. მათ შორისაა ქალბატონი მერი აბრამია.

დიდებული ქალბატონი, ერუდიტი, პოეტი, პუბლიცისტი, მწერალი, უნიჭიერესი ფილოლოგი, რამდენიმე წიგნის ავტორი, საუკეთესო დედა...

ქალბატონო მერი, მოკლედ გვიამბეთ, ვინ არის მერი აბრამია-გზა, რომელიც თქვენ გააირეთ?

კომპარტიის ცენტრალური კომიტეტის პირველი მდივანი ბატონი ელუარდ შევარდნაძე გახდა.

სოფელში არ არსებობდა არც ერთი სკოლისგარეშე დაწესებულება, საგანმანათლებლო, კულტურულ-საყოფაცხოვრებო,

ინჟინერმა ანდრეამ, საპატრიარქოს არქიტექტურულმა სამმართველომ, ნანა აბრამიამ და რევაზ ჯანაშიამ, სეისმურმა ინსტიტუტმა (ბატონმა პაატა რეკვაავამ), რომლებიც წარმოშობით ხობელები არიან. ჩქარა ეკლესიის გადახურვის სამუშაოები დამთავრდება. პირადად ჩემი დახმარებით სტუდენტები გახდნენ ნათია და უანა ქანდარიები, ავთანდილ და ნათია ქანდარიები, შორენა კვარაცხელია. ისინი სოხუმის უნივერსიტეტის სტუდენტები გახდნენ, ხოლო ნათუნა ვადაქარია სამედიცინო ინსტიტუტის სტუდენტი გახდა, თუმცა მძიმე ოჯახური პირობების გამო ვერ დაამთავრა იგი. მუნიციპალიტეტის ყოფილი გამგებლის ბატონ ივორ ტყეშელაშვილის დახმარებით აღვადგინეთ საბავშვო ბაღის შენობა და მან ფუნქციონირება

ნები. გახლავართ ეროვნული სამეცნიერო აკადემია „ფაზისის“ აკადემიკოსი. მწერალთა, მეცნიერთა და საზოგადო მოღვაწეთა აკადემია „ქალდეას“ აკადემიკოსი 2014 წელს ქართული ელიტის „წლის პოეტის“ წოდება მომენიჭა. ასევე ილია მართლის (ჭავჭავაძის) და გაზეთ „ივერიის“ სახელობის პროზა-პოეზიის პრემიის ლაურიატის წოდება, თანასოფლელებმა ყველა სიკეთის სახლად სოფელ „გურიფულის“ ღირსეული შვილი“ შემარქვეს... **და რა არის თქვენთვის სობელი-„ხობის საპატიო მოქალაქის“ წოდება?..** -ამჟამად „ხობის საპატიო მოქალაქე“ ვარდნი. ეს წოდება ჩემთვის დიდი პატივია. მე ხობელი ვარ. აქ დაავიძლე, გავიზარდე, აქ შევქმენი ოჯახი,

„სიბერეადა კიდევ დიდი დროა!“

-დავიბადე 1929 წლის თერმეტ სექტემბერს, პირველ ხორგაში. „ოქროს მედალზე“ დავამთავრე ხობის საშუალო სკოლა. იმავე წელს ჩავირიცხე თბილისის სახელმწიფო უნივერსიტეტის ფილოლოგიის ფაკულტეტზე ქართული ენისა და ლიტერატურის განხრით. მისი დამთავრების შემდეგ, 1952 წლის აგვისტოში მუშაობა დავიწყე ხობის საშუალო სკოლაში ქართული ენისა და ლიტერატურის მასწავლებლად. 1954 წელს დავინიშნე ალკა ხობის რაიკომის პიონერთა და მოსწავლეთა ახალგაზრდობას შორის მუშაობის განყოფილების გამგედ. 1960 წლის დეკემბერში პარტიის ხობის რაიკომის მდივანად ამირჩიეს, ერთი წლის შემდეგ მეორე მდივანი გავხდი. 1963 წლის დეკემბერში ჩვენი რაიონი გაუქმდა, ზუგდიდთან მიგვავიქცა, პარტიის ხელმძღვანელი აპარატი პირველი მდივანობით დაკომპლექტდა. მე თბილისში დავბრუნდი... მაშინ უკვე 3 შვილი მყავდა-ორი ვაჟი და ერთი ქალიშვილი. ერთ კვირაში დედაქალაქის ოქტომბრის რაისაბჭოს აღმასკომის მდივანად დავინიშნე. 1971 წელს №1 სამკერვალო გაერთიანების პარტკომის მდივანად ამირჩიეს. შვიდ სამაქროში 2450 მუშა, ტექნიკური პერსონალი და ხელმძღვანელობა მოღვაწეობდა. ბევრი ისეთი ღონისძიება დავსახეთ, ისეთი წესი დავწესეთ, რომლებიც შემდგომ ტრადიციად იქცა. ...საქართველოს კპ 24-ე ყრილობა უნდა ჩატარებულიყო, როგორც გამარჯვებული სამრეწველო ორგანიზაციის პარტკომი, ყრილობის დელეგატად და მისი სამანდატო კომისიის წევრად ამირჩიეს. 1971 წელს საქართველოს

ცენტრალური კომიტეტის ბიუროს დადგენილებით, პირველი რეფორმა ვაჭრობის სისტემაში გატარდა. სადაც ხელმძღვანელ თანამდებობებზე სამუშაოდ გაგზავნილიყვნენ ქალბატონები, რომლებიც ადრე პარტიულ სამუშაოზე იყვნენ. სიაში მეც მოვხვდი. დავინიშნე ქალაქის მესამე სურსათის ვაჭრობის დირექტორად. სამოქალაქო თავდაცვის საქმეშიც შევიტანე წვლილი. ვიყავი ამ რაიონების მოსახლეობის ევაკუაციისა და საკვები პროდუქტებით მომარაგების სამსახურის უფროსი. 1977 წელს სამუშაოდ გადავედი კვების მრეწველობის სამინისტროს კადრების უფროსის მოადგილედ, 1980 წელს გადამიყვანეს დამზადების სამინისტროს განყოფილების გამგედ, 1985 წელს პენსიაზე გავიდი. ამ პერიოდში ქ. ფოთში ტარდებოდა ექსპერიმენტი: ქალაქი უნდა გადასულიყო თვითმმართველობაზე. ამ პერიოდში დავინიშნე ფოთის წისქვილქარხნის დირექტორის მოადგილედ. მე და ჩემმა თანამოაზრეებმა აქ ბევრად შეეცვალეთ მუშაობა ყოფისა და შრომის პირობები. 1992 წლის აპრილში გარდაემეცვალა მეუღლე, ოთარ წურწუშია. იგი მხოლოდ 62 წლისა იყო. 1992 წლის აგვისტოდან მუშაობა დავიწყე ჩემი სოფლის, პირველი გურიფულის ოთხკლასიანი სკოლის გამგემასწავლებლად. 1994 წლიდან ეს სკოლა, რომელშიც ჩემამდე 8 მოსწავლე და სამი მასწავლებელი იყო, ჩემი ინიციატივით და კოლექტივის მხარდაჭერით სკოლა-გიმნაზიად გადაკეთდა, რომელშიც 78 მოსწავლე და 16 მასწავლებელი ირიცხებოდა. ამ პერიოდისთვის



სავაჭრო ობიექტი, არ ფუნქციონირებდა საბავშვო ბაღი. ტიპური შენობა დანგრეული იდგა და ჩვენი პატარები ხობის მეორე და მესამე საბავშვო ბაღებში დაჰყავდათ მშობლებს დაქირავებული სამარშრუტო ტაქსებით. ხალხს დაავიწყდა დაიწყო. ამ საქმეთა ხორცშესხმის გარდა ვხელმძღვანელობდი საქველმოქმედო შემოქმედებით საქმიანობას... გამოქვეყნებული მაქვს 3 რომანი („მოტაცებული ამორბალი“, „ცოდვამადლიანი

სავაჭრო ობიექტი, არ ფუნქციონირებდა საბავშვო ბაღი. ტიპური შენობა დანგრეული იდგა და ჩვენი პატარები ხობის მეორე და მესამე საბავშვო ბაღებში დაჰყავდათ მშობლებს დაქირავებული სამარშრუტო ტაქსებით. ხალხს დაავიწყდა დაიწყო. ამ საქმეთა ხორცშესხმის გარდა ვხელმძღვანელობდი საქველმოქმედო შემოქმედებით საქმიანობას... გამოქვეყნებული მაქვს 3 რომანი („მოტაცებული ამორბალი“, „ცოდვამადლიანი

აქ შევიძინე ყველა ის თვისება, რითაც შემძლია ვიამაყო. დიდხანია ვემზადები ამისთვის. ყველა ჩემი საქმე, რაც განვახორციელებ, ხობელებს მიუძღვება, ვგრძნობ მათ თბილ, სიყვარულით სავსე გამოხედვას, მათ გულწრფელ აღტაცებას და ეს უზომოდ მახარებს. მაღლიერი ვარ ხობელების მიერ ჩემი მცირე ღვაწლის ასეთი დაფასებისთვის. ვპირდები მათ, კვლავაც ვიქნები ხობელების სამსახურში, რომ იცოდეთ, ჯერ მხოლოდ 87 წლისა ვარ, სიბერემდე კიდევ დიდი დროა! მინდა თითოეული თქვენთაგანს ვუთხრა ბატონი ვაჟა ერისიელის-ხობელების საყვარელი ადამიანის სიტყვები „ხობი ჩემია, მას ვერავინ წამართმევს“ და ხობის ამშენებლისა და დამამშენებლის ბატონ ნუგზარ ნადარაიას შემომახილი: „იწამეთ ღმერთი და გიყვარდეთ ერთმანეთი!“ ჩემდათავად ილია მეორეს სიტყვებით მოგიწოდებთ: „ქართველნო, ერთად ღვთისკენ, ამინ! **ქალბატონო მერი, გისურვებთ ჯანმრთელ და ბედნიერ სიცოცხლეს!** -მადლობა! მადლობა ყველაფრისთვის!

ესაუბრა ნანი კილასონია.
P.S. გაზეთში ინტერვიუს გასვლამდე ქალბატონი მერი აბრამია იუბილარი გახდა. რედაქციები ვულოცავთ დაბადების დღეს, ხანგრძლივ და ლამაზ დღეთა სიმრავლეს ვუსურვებთ თავის მონაგართან ერთად. ლამაზო და ღირსეულო ქალბატონო, გილოცავთ და გკოცნით თქვენი რედაქციელები.

ლ ვ ა ჯ ლ მ ო ს ი ლ ნ ი



ცნაფრმა თავისი დინამით მიდის და ამ გბძელ, დაუსრულებელ გზაზე ადამიანი ვალდებულია სიკეთე თქვას, სწამდეს ღმერთის და ზღაპრების მარტისზე. დიას! ამ კრძელს ვკლავთ და ვკლავთ ერთგულად იცავს ქალმაცდნი მზისადატ გულანცია, მრავალი თაძმის აღმზრდელი, დამსახურებული პედაგოგი, მყრტი ჯილდოს მფლობელი. თქმცა ყველაზე დიდი ჯილდო მისთვის ის სიყვარული, ავტორიტეტი და საყვარელთა აღიარებაა, ტმელიც მან საზღვარღმში დამსახურა. დღეს იგი ჩყნი ცტემატია.

გიყვარდეს მოყვასი შენი

ქალბატონო მზის! პირველ რიგში მსურს გისურვოთ ჯანმრთელობა, სიმხნევე, ღამაზ დღეთა სიმრავლე, თქვენს ოჯახთან და ახლობლებთან ერთად. მინდა ჩვენი დღევანდელი ინტერვიუ ეხებოდეს არა მარტო თქვენს პროფესიულ საქმიანობას, არამედ ზოგადად ყველაფერს.

რა გრძნობა გეუფლებათ სექტემბრის დადგომა სთან ერთად?

–პირველი სექტემბერი ჩემი დაბადების დღეა, წლების მანძილზე იგი იყო სასწავლო წლის დასაწყისი და ეს დამთხვევა რაღაც ნაირად სიმბოლურია ჩემს ბიოგრაფიაში. თითქოს იმთავითვე განისაზღვრა ჩემი პედაგოგიური კარიერა. ჩემთვის ეს დღე, როგორც ახალი სასწავლო წელი, იყო მარადი განახლების საწინდარი, ახალი ძალებით. ახალ შრომით შემსტრებთან ჭიდილის ათვლის წერტილი.

რამ განაპირობა თქვენი არჩევანი-შინაგანმა ხმამ, მოწოდება, თუ რომელიმე მასწავლებელმა?

–გსწავლობდი სოფელ გურიფულის რვაწლედი, შემდეგ ფოთის მე-6 საშუალო სკოლაში, რომელიც 1958 წელს დაავითარე. მყავდა გამორჩეული პედაგოგები: თამარ კანკავა, მარიამ კორტავა, პეგლარ ჭი-თანავა, ლულუნი წიფლიძე, სევერიან სხულუხია, თამარ გაბუნია, ნელი ჩიქოვანი, პეტრე მიმინოშვილი, ჩვენი დამრიგებელი-მედეა ქავთარაძე. მასწავლებლობა ჩემი მოწოდება იყო. თოჯინები ჩემი მოსწავლეები იყვნენ. ესლა ღიმილის მგვირის ეს მოგონებები. მასწავლებლობა იყო სწორედ ის, რაც მთელი გულით მინდოდა.

რას იტყვით, როგორი უნდა იყოს თანამედროვე მასწავლებელი. ყველაზე მეტად რა თვისებები უნდა ჰქონდეს მას, ერთი სიტყვით, დაგვიხატეთ თანამედროვე მასწავლებლის პორტრეტი.

–პირველ რიგში საჭიროა განათლება, პროფესიული მომზადების დონე; პედაგოგს, უნდა შეეძლოს თითოეულ მოსწავლეში პიროვნების ამოცნობა, ალღომ უნდა უკარნახოს მასთან ურთიერთობის წესი, უნდა შეეძლოს მისი წარმოჩენა საუკეთესო კუთხით, მისი აშკარა თუ ფარული უნარ-ჩვევების, ტალანტის მაქსიმალურად გამოშვება.

რა მოგწონთ და რა არ მოგწონთ განათლების დღევანდელ სისტემაში?

–დაწყებით კლასებზე ვისაუბრებ, არ მიმაჩნია მიზანშეწონილად, როდესაც ამ ასაკისთვის გათვლილ სასკოლო სახელმძღვანელოებზე მუშაობენ არასპეციალისტები. საბოლოო ჯამში ეს სახელმძღვა-

ნელოების ხარისხზე აისახება. პროგრამა ხშირად გართულებულია და არაა გათვლილი ე.წ. საშუალო მოსწავლეზე. 1998 წელს ვიყავი გერმანიაში, სადაც ვსტუმრობდი ადგილობრივ სასწავლებელს. დაწყებითი კლასების პედაგოგმა ძირფესვიანად გამაცნო სასკოლო პროგრამები, ადაპტირებული ადრეულ ასაკზე. საქართველოში არსებული სახელმძღვანელოებიდან, მათთან ყველაზე მიახლოებული იყო ბატონი ბაკურ სულაკაურის კრებულები დაწყებითი სწავლებისთვის. მე პირადად ამ წიგნებით ვხელმძღვანელობდი ჩემი პედაგოგიური კარიერის განმავლობაში. ისინი სწორედ ე.წ. საშუალო მოსწავლეებზე არიან გათვლილი.

რის მიხედვით იხსენებთ ყოფილ მოსწავლეებს, გაქვთ თუ არა ურთიერთობები მათთან, რას ეტყვით მათ?

–ჩემი ყოფილი მოსწავლეები ჩემთან ურთიერთობას წლების მანძილზე აგრძელებენ. მათი სტუმრობით განებივრებული ნამდვილად ვარ. ვინახავ ფოტოალბომებს, მათ ჩანაწერებს. ჩემთვის მოსწავლეები იყვნენ ინდივიდები, პიროვნებები. სწორედ მათი ინდივიდუალურობისა და განსაკუთრებულობის გამო დაიდეს მათ ბინა ჩემს გულსა და მესხიერებაში. ჩამოვთვლი ზოგიერთ მათგანს: მამა დიდი ლომია, როზეტა შულაია, დანი (ირაკლი) ბერაია, ჯილია ჯობავა, მერი თამლიანი, ეკა ლომსაძე, დათო ქავთარაძე, თამარ ჭავჭავაძე, ლევან სამუშია, ნინო შელია, თამარ ალექსანდრია, შოთა თუთბერიძე, ვატო სერგია, ანა სერგია, ანი სხულუხია, გიორგი ვარდია, ცოტნე ქირია, კარლო ვარდია, ნინო კორტავა...

მინდა შემთხვევით ვისარგებლო და გამოკვეთო ირაკლი (დაჩი) ბერაია, რომელიც ამჟამად ნობის რაიონში წარდგენილია მაჟორიტარ დეპუტატად „ქართული ოცნების“ მიერ. დაჩის გაწონასწორებული ხასიათი, პიროვნების გამოკვეთილი ნიშნები, სიძინჯე და სიმშვიდე, პასუხისმგებლობის მაღალი დონე, შრომისმოყვარეობა და თანატოლებისადმი ღმობიერი და მეგობრული დამოკიდებულება იმთავითვე იმყრობდა ჩემს ყურადღებას და იმედს მამლევედა, რომ ზრდასრულ ასაკში მის ბიოგრაფიაში არაერთი ღირსშესანიშნავი ფურცელი შეივსებოდა. მოლოდინები მართლდებოდა. დაჩის, არჩვენებში წარმატებულ მართონს ვუსურვებ. მჯერა, რომ იგი ხობის მუნიციპალიტეტის აღმშენებლობის საქმეში თავის ღირსეულ წვლილს შეიტანს.

რა უნდა ვისწავლოთ, რა უნდა შევიწარმოოთ?

–ასე თქმულა: „ახალ ღვინოს ახალ ჭურჭელში ასხამენ“, ამი-

ტომაც დროს არ უნდა ჩამოვრჩეთ და დღევანდელობის შესაბამისი უნარ-ჩვევები გამოვიმუშაოთ; ვიყოთ მუდამ ინფორმირებულები ჩვენს ირგვლივ მიმდინარე ცვლილებებზე, დროის მაჯისცემას ავუწყოთ ფეხი...

როგორ უნდა მიადვიოს ადამიანმა სრულყოფილებას?

–მუდმივად ახლის ძიება, მუხლჩაუხრელი შრომა და პასუხისმგებლობის მაღალი გრძნობა ადამიანს სრულყოფილებისკენ მიმავალ გზებს უკვლავს.

შეივალა თაობა, ზნეობრივი ღირებულებები?

–ზნეობრივი ღირებულებები არა, მაგრამ თაობები ცხადია, იცვლებიან და ეს ბუნებრივია. ტექნიკური პროგრესი, გლობალიზაცია, ყველაფერ ამაზე ზეგავლენას ახდენს, სამყარო სხვაფერდება.

რისი გეშინიათ?

–შიში თუკი გონივრულია, იგი სიკეთეა, ხოლო ამო და ფუჭი ეჭვები ადამიანის სულს ამძიმებს. ყოველთვის მეშინოდა უსამართლოდ არ მოვეცეოდი მოყვასს, ვინმესთვის, თუნდაც უნებლიედ, ტკივილი არ მიმეყენებინა.

საუკეთესო წლები თქვენს ცხოვრებაში

–ყოველ ასაკს თავისი ხიბლი აქვს, მაგრამ გამოვარჩევი ბავშვობის წლებს. მამა ადრეულ ასაკში დამელუბა და ჩემთვის ძვირფასია ის წლები, როცა მისი სახლოვით განებივრებული ვიყავით დედამამიშვილები.

სიტყვები, რომლებიც მუდმივად გახსოვთ

–სახარებისეული სიბრძნე –გიყვარდეს მოყვასი შენი, ვითარცა თავი შენი. „იყვარებდეთ ურთიერთას“.

რთული და საინტერესო ცხოვრებით ცხოვრობდით, ხართ წარმატებული ქალბატონი, რაშია თქვენი აზრით წარმატების საიდუმლო?

–ვიყავი მუდამ გულწრფელი საკუთარი თავისა და უფლის წინაშე, მიყვარდა მთელი გულით ჩემი საქმე, ჩემი მოსწავლეებისთვის არასოდეს მძალაატნია.

თქვენი საყვარელი სტროფები

–კონსტანტინე გამსახურდიას ლექსი, „მარია სტელა“.

–გამსახურდია პროზაში უფრო ძლიერი იყო, თუმცა მისი ეს ლექსი განუმეორებელია!!

სურვილები, რომლის ახდენასაც ისურებდით.

–ჩემი შვილებისა და მოსწავლეების-ისინიც ხომ თავისებურად ჩემი შვილები არიან-ნათელი და უზრუნველი მომავალი; ჩვენი სამშობლოს აღორძინება და მშვიდობა კაცთა შორის.

ესაუბრა მანანა შულაია.

მათ სიკეთის სამოსი ამშვენებთ



რა არის მათემატიკა? ზუსტი მეცნიერება თუ უფრო მეტი მნიშვნელობის მოძველი ცნება? ზოგისთვის მათემატიკა ცოცხალი ორგანიზმია, რომელსაც თუ გიყვარს, შენი ენერგიით აცოცხლებ და იმ მთავარ აზრს შესძენ მასში რომ არის ჩასახული, ხოლო თუ არ გიყვარს ან უბრალოდ, არ გესმის მისი, როგორც ცოცხალი სისტემის, მაშინ შენი მცდარი ხედვა მომაკვინებლად იმოქმედებს ამ მეცნიერებაზე და რაღაც უბრალო მტკიცებულების სისტემა იქცევა.

ამ რთულ და საოცრად საინტერესო საგნის მიმართ ინტერესი საკმაოდ ზრდასრულ ასაკში ჩამოყალიბდა ძველი ხიბულის საჯარო სკოლის დამსახურებულ პედაგოგს, თავისი საგნის ბრწყინვალე სპეციალისტს, ახალბედა პედაგოგთა დამკვალანებელს, ჭეშმარიტ მოძღვარს, მაღალკვალიფიციურ მათემატიკოსს, ბატონ **ჯარნაზ ჯიშპარიანს**.

იგი ხობის რაიონის სოფელ ახალ ხიბულაში დაიბადა. დაამთავრა ბათუმის შოთა რუსთაველის სახელობის სახელმწიფო პედაგოგიური ინსტიტუტის ფიზიკა-მათემატიკის ფაკულტეტი.

მუშაობა დაიწყო ძველი ხიბულის საშუალო სკოლაში მასწავლებლად, ერთხანს იყო სასწავლო ნაწილის გამგე, იგი დღემდე ენერგიულად აგრძელებს თავის საყვარელ საქმიანობას. მისი მოსწავლეები ყოველ წელს მონაწილეობენ მათემატიკის რესპუბლიკურ ტურნეში და მნიშვნელოვან წარმატებებსაც აღწევენ. მიღებული აქვს ორი პირველი ხარისხის დიპლომი და 40 ქების სიგელი. საქართველოს რესპუბლიკის „საზოგადოება ცოდნის“ უმაღლესი საბჭოს პრეზიდიუმის საპატიო სიგელი და რაიონის გამგეობიდან სუოჯერ ფასიანი საჩუქარი.

ბატონი ჯარნაზის მეუღლე, მასწავლებელთა მასწავლებელი ქალბატონი **ეიმერ მიშაპა**, მათემატიკოსი გახლავთ. იგი დაიბადა მარტვილის რაიონის სოფელ აბედათში. წარჩინებით დაამთავრა თბილისის სახელმწიფო უნივერსიტეტის მექანიკა-მათემატიკის ფაკულტეტი. პირველი პედაგოგიური ნათლობა ძველი ხიბულის საშუალო სკოლაში მიიღო, თავისი ბედიც დიდებულ პიროვნებას-ჯარნაზ ჯიშპარიანს დაუკავშირა და მტკიცე ოჯახი შექმნა.

უკვე რვა ათეულ წელს გადაცილებული ქალბატონი დღესაც შესაშური ენერგიითა და შემართებით მიჰყვება ქვეყნის მაჯისცემას. მართალია, მისი გზა ია-ვარდებით არ ყოფილა მოფენილი, მაგრამ ბუნებით აქტიური ქალბატონი გაბედულიც იყო და რისკიანიც. მან თავისი შეგნებული ცხოვრების დიდი ნაწილი მოსწავლე-ახალგაზრდობაზე ფიქრსა და ზრუნვაში

გაატარა. ამ ხნის მანძილზე მაღალი პასუხისმგებლობით ზიდა განათლების მუშაკის საპატიო ტვირთი და თავისი წვლილი შეიტანა ამ სფეროს განვითარებაში.

ჩინებულ პედაგოგებს ოჯახიც სანიმუშო აქვთ. შვილები ლეონი, ნესტანი, გელა, თამარი მათემატიკოსები არიან. არ უღალატეს ოჯახურ ტრადიციას და ოთხივე შვილი მშობლების კვალს გაჰყვა. უფროსმა შვილმა ლეონიმ ჯერ სოხუმის სახელმწიფო უნივერსიტეტი დაამთავრა. შემდეგ სწავლა განაგრძო ასპირანტურაში ივონოვოში, ქალაქ შეიამის უნივერსიტეტში, სადაც გელა, ნესტანი და თამარი სწავლობდნენ.

გელა დოცენტი, თამარი პროფესორი და ამავე უნივერსიტეტში წარმატებული ადამიანები არიან. ნესტანი ფოთის ერთ-ერთი საჯარო სკოლის სასწავლო ნაწილის გამგე და სერთიფიცირებული მასწავლებელია.

შვილიშვილი გიორგი ჯიშპარიანი ბრწყინვალე საქსაფონისტი, ის მსოფლიოს რამდენიმე ქვეყანაშია მიწვეული.

ძნელია ერთ პატარა საგანეთო სტატიაში ჩაატო დამსახურებული ადამიანების ცხოვრების თუნდაც მცირე მონაკვეთი, რადგან ასეთი ადამიანები მეტად დატვირთული რიტმით ცხოვრობენ, შრომობენ და დღესაც ახერხებენ წვლილი დაღონ საერთო საქმეში.


დღეს კი ერთერთი მათგანის ჯარნაზ და ეთერ ჯიშპარიანების არჩევულებრივი ოჯახი წარმოგიდგინეთ. მათ უმთავრეს ღირსებას ოჯახი და სასახლო შვილები წარმოადგენენ. მთავარი ის კი არ არის, რომ ოთხივე მათგანმა უმაღლესი განათლება მიიღო და წარმატებით მოღვაწეობენ. არამედ ის, რომ დღემდე მშობლების ოჯახური ტრადიციების მატარებლები არიან, სწორედ ოჯახმა ჩამოაყალიბა ისინი ნამდვილად ადამიანებად.

ნათქვამია, ადამიანი იმით ფასობს, რა საქმესაც აკეთებსო. ბატონი ჯარნაზისა და ქალბატონი ეთერის გაკეთებული საქმეები ადასტურებენ მათ ადამიანობას. სოფელში წინაპართა კერაზე ცხოვრობენ სიყვარულით, უღამაზესი ოჯახის ბურჯები თავიანთი ნაშინებებით და დღესაც კვალიფიციურ რჩევა-დარიგებას აძლევენ ახალგაზრდა კოლეგებს. მინდა, მათ ყველა ოცნების ახდენა ვუსურვო და ვუთხრა, რომ სიკეთე ერთგვარი სამოსელია, რომელიც არასოდეს ცვდება, რომ მათ დღემდე სიკეთის გაუცვეთელი სამოსი აცვი-ათ.

ახალი სასწავლო წლის მაუწყებელი ზარი დაირეკა. თქვენ, ძვირფასო მასწავლებლებო, კიდევ გაქვთ შესაძლებლობა თქვენი ცოდნა და ენერგია მომავალ თაობას მოახმაროთ.

ნაირა ბერაია.

გაგონათსოვარი



შალვა ხარებავა

უაზრო ტანჯვას, ტკივილებს გაასწრო. თავისივე ნებით, მარადისობის გზას დაადგა. როგორი დასანანი ჩვენთვის და ყველასთვის ეს ნათელი კაცი ასეთი აღსასრულისთვის. რაღა დაგვრჩენია, გარდა იმისა, თბილი სიტყვებით მივაგვით პატივი მის ხსოვნას...

შალვა ხარებავამ ჩვენი სკოლა დაამთავრა. აქ დაბადებულმა სამუდამოდ ხობში აირჩია სამკვიდრო, სადაც სიცოცხლის ბოლომდე იღწოდა. ძირითადი მისი საქმიანობა პედაგოგიური მოღვაწეობა იყო.

უმადლევი სასწავლებლის დამთავრების შემდეგ, როგორც მათემატიკის მასწავლებელი, დაუბრუნდა ხობის საშუალო სკოლას, ჩაიბარა პირველი სადამრიგებლო კლასი, რომლებიც განსხვავებული სიყვარულით იხსენებდნენ შალვა მასწავლებელს, მის განუმეორებელ ადამიანურ ღირსებებს და პროფესიულ დონეს. ყველა თაობისთვის ერთნაირად ტკბილმოსაკონარი და დაუვიწყარი, მოუშუშებელი ტკივილი კოლეგებისთვის, რომელთა შორის ბევრი მისი ყოფილი მოსწავლეა, მისი თაობიდან დარჩენი-

ლებისთვის კიდევ უფრო მძიმეა ბატონი შალვას წასვლა ამქვეყნიდან, მათ კიდევ უფრო მეტი იციან, მეტი ახსოვთ და მეტადაც ტკივათ...

ახალგაზრდებისთვის დაუვიწყარია მისი ზრუნვა მათი დასაქმებისთვის, წინსვლისთვის, რაც შეეძლო არავის აკლებდა ყურადღებას. არ შეიძლება არ გავიხსენოთ მისი დამოკიდებულება ადრე გარდაცვლილი ღმერთადმი, რომლის გახსენებაზე, უკვე ასაკში მყოფსაც თვალბრუნებაში იყავით...

ახლა მხოლოდ ისღა დაგვრჩენია, რომ სამძიმარი და ნუგეში ვუთხრათ მის შვილებს, შვილიშვილებს, ნათესაობას, ჩვენც ვინუგეშოთ თავი იმით, რომ შალვა ხარებავასთან ადამიანის გვერდით გვიცხოვრია, გვიღვაწია და გვაქვს პატივი, მის მომგონებელთა შორის ჩვენც ვიყოთ.

მსუბუქი იყოს ბატონო შალვა თქვენთვის ქართული მიწა, კოლხური მიწა. ამიერიდან იქ დამკვიდრებით, სადაც თქვენ იხლოვებით, წინაპრები და კოლეგა-მეგობრები განისვენებენ.

შვიდობით, ძვირფასო ადამიანი.

მ. ხობის №1 საჯარო სკოლის პედაგოგიური კოლექტივი.

ჩემო შალვა, კვირფასო!

თავზარდაცემული ვწერ ამ სტრიქონებს, შენ, ჩემი უახლოესი ადამიანი, სააქოს აღარაზარ! შენ დამრჩი ერთადერთი, ვინც „მერიკოს“ მძახდა, ვისაც ესმოდა ჩემი, ზოგჯერ უთქმელადაც კი...

შალვა, ჩემო მეგობარო, გუშინდელით მახსოვს 1952 წლის მაისი. მე იმ წელს დავამთავრე თბილისის სახელმწიფო უნივერსიტეტი. შენ კი ხობის საშუალო სკოლა. 20 მაისს წერით გამოცდას ქართულ ენასა და ლიტერატურაში აბარებდი. კარგად მახსოვს, ესეც და ყველა დანარჩენი ბრწყინვალედ ჩააბარე.

იმ დღიდან ერთად მოვდივართ, ერთმანეთს ვუზიარებთ ღმერთს და ჭირს, არა! ეს მარტო მეგობრობა არ იყო: შენი ღიაკო, ვარდო და მე კლასელები ვიყავით. შენმა დეიკომ იცოდა ჩემი მძიმე ოჯახური მდგომარეობა, (მე გაცილებული ცოლ-ქმრის შვილი ვიყავი) სკოლიდან დაბრუნებულს თქვენს ოჯახში მუდამ დაუმადლებელი თბილი ლუკმა მელიდა.

გავიდა დრო. ჭირდა ცხოვრება, ხანდახან საკმაო ლუკმაპურიც სანატრელი გექნოდა, მაგრამ განათლების მიღების წყურვილმა ყველაფერი განზე დატოვა. ჩვენ გავიმარჯვეთ...

დაოჯახების შემდეგ უფრო განმტკიცდა ჩვენი ურთიერთობა.

მიხაროდა ასე გამართული,

შენი „მერიკო“ მერი აბრამია

„შენ ცხოვრებას კაცად შერი ბოლომდე“

ხობის მუნიციპალიტეტის საზოგადოებას კიდევ ერთი გამორჩეული და ღვაწლმოსილი პიროვნება დააკლდა.

ბატონმა შალვა ხარებავამ თავისი ხანგრძლივი ცხოვრების მანძილზე განსაკუთრებული წვლილი შეიტანა მუნიციპალიტეტის აღმშენებლობასა და განათლების სფეროს განვითარებაში. თითქმის ნახევარი საუკუნე იღვაწა მან განათლების სფეროში. „მასწავლებელთა-მასწავლებელი“—ასეთად იცნობდნენ და აფასებდნენ მას კოლეგები, ფართო საზოგადოებრიობა.

თავად ობლობაში გაზრდილს და მრავალ სიღრმეში გადმოვიღის (მისი ნაამბობიდან ვიცო) მოფერებაც საოცარად გემრიელი და თბილი იცოდა. საბედნიეროდ, გამონაკლისი არც მე გახლდით. მეც მრავალჯერ მივგრძენია მისი გულთბილი დამოკიდებულება და მხარში ამოვდგომა.

დღევანდელ დღესათვის მახსოვს ბატონ შალვას შეხვედრა ხობის ცენტრში (ქალბატონი რაღა ჩემია დამემოწმება), აფხაზეთიდან ჭუბურის გზა ცალი ფეხსაცმლით და პერანგის ამარა გამოვლილი,

რომ დამინახა, მისი თვალცრემლიანი თვალები და მამა-შვილური მოფერება, არასდროს დამავიწყდება.

სულმნათ აკაკი გაწერელიას, დიდ მწერალსა და ლიტერატორს კარგად აქვს ნათქვამი „მოთავარი ის კი არ არის, რამდენ ხანს იცხოვრებს ადამიანი, არამედ, ის თუ როგორ იცხოვრებს“.

ბატონმა შალვამ ღირსეულად იცხოვრა და ვალმოხდილი წავიდა ამ წუთისოფლიდან. ღმერთმა ნათელში ამყოფოს მისი მართალი და პატიოსანი სული!

ბექან ნადარაია

უკვდავებასთან წილნაყარი

განათლების დარგმა დიდი დანაკლისი განიცადა. პედაგოგიურ საზოგადოებას გამოაკლდა განათლების დარგის ღვაწლმოსილი მუშაკი, ბატონი შალვა ხარებავა, ყველა ადამიანის მხარში ამომდგომი, სიკეთის მსურველი, უანგარო, შრომისმოყვარე, მაღალი ზნეობრივი და სულიერი ღირებულებების მატარებელი. მოზარდი თაობის გულის მესაიდუმლე, მისი ყოველი დღე გაჯერებული იყო ოჯახისადმი, მოსწავლე-ახალგაზრდობისადმი მამობრივი აღზრდით გამთბარი სიყვარულით. ექვსი ათეული წელი აღზრდის სათავეებთან—ეს ხომ გმირობაა. ამ პერიოდში მან დაიმსახურა საზოგადოების უნაპირო სიყვარული და პატივისცემა, რამეთუ მან შექმნა მუნიციპალიტეტის ძლიერი მონოლითური კოლექტივი, რომლის თითოეული წევრი იყო ერთგული და მეტროლი ჯარისკაცი იმ რეფორმებისა და თაოსნობისა, რომლის სათავეებში პედაგოგიურ საზოგადოებას ედგა ბატონი შალვა ხარებავა.

ბატონი შალვა, ამ ქვეყნიდან წასვლით, მწარე ტკივილი მოგვაყენებ, რამეთუ შენთან ადამიანები ალამაზებდნენ ამქვეყნიურ ცხოვრებას, უფრო შინაარსიანს და მიმზიდველს ხდიდნენ მას. ჩვენ, თქვენმა აღზრდილებმა, ბევრი ვისწავლეთ თქვენგან და თქვენი უკვდავი სუ-

ლის სადიდებლად ვიცხოვრებთ ისე, როგორც გემოდერავდი, შენ ხომ ოჯახის ბურჯი და განათლების დარგის ურყევი კედელი იყავი. შენი წასვლით დაცარიელდა ის ადგილი, რომელიც საზოგადოებაში გეკავა. ისინი მოგიგონებენ ყოველთვის, რამეთუ ხსოვნა სიცოცხლის გაგრძელებაა. განათლების დარგის დიდოსტატს გიწოდებდნენ და ამ ტიტულით განაინაცვლე უკვდავებაში. შენგან არავის არ ახსოვს უმნიშვნელო წყენაც კი. ეს იმიტომ, რომ ადვილად პოულობდი ადამიანების, ახალგაზრდობის გულებთან მისასვლელ გზებს. შენი კეთილი საქმეების და გულის სითბო წინ დახვდება შენს სათაყვანებელ შვილებს და შვილიშვილებს.

თქვენი ცხოვრების გავლილი დღეები ერთად აღებული დიდი წიგნია, რომელიც მუდამ ჩვენი ცხოვრების მეგზური იქნება. შენს აზრებს მოეთათბირება ჩვენი მომავალი თაობა. ღრმად მჯერა და მწამს, რომ ისინი ყოველთვის გაიმარჯვებენ.

უფალს შევთხოვ სიმშვიდე და ნათელი არ მოაკლდეს შენს უკვდავ სულს. განისვენე იქ, სადაც მართალნი და სპეტაკნი განისვენებენ.

ქრისტესმთავარი სიყვარულით
**შენი ყოფილი მოსწავლე
ალექსანდრე (ნაშა) არჩაია.**

მშვიდობით, მასწავლებელთა მასწავლებლო!

ხობის მუნიციპალიტეტის ინტელექტუალს გამოაკლდა განათლების დარგის დამსახურებული მუშაკი, რესპუბლიკის დამსახურებული მასწავლებელი, ღირსების ორდენოსანი, ქ. ხობის საპატო მოქალაქე ბატონი შალვა სპირიდონის ძე ხარებავა.

ყველაზე დიდი ჯილდო, რაც მან ღირსეული ცხოვრების მანძილზე დაიმსახურა, თავისი აღსაზრდელებისა და ფართო საზოგადოების დიდი სიყვარული, საყოველთაო აღიარება და პატივისცემა იყო. მისი სიტყვა მუდამ გამორჩეული და ანგარიშგასაწევი გახლდა. პროფესიულ ზუსტი მეცნიერება—მათემატიკა აირჩია და ბოლომდე სახელოვნად უერთგულა მას. ათეული წელი ასწავლიდა ხობის №1 საშუალო სკოლაში მათემატიკას შემდგომ ამ სკოლის დირექტორიც გახლდა.

ბატონი შალვა წლების განმავლობაში ხელმძღვანელობდა ხობის

რაიონის განათლების განყოფილებას. როგორც დელეგატი, მონაწილეობდა რესპუბლიკის თუ საკავშირო მასწავლებლების ყრილობების მუშაობაში. მისი ხელმძღვანელობის დროს „დაფრთხილებული“ პედაგოგები დღესაც ამშვენებენ მუნიციპალიტეტის განათლების დარგის დიდ და სახელოვან არმიას, ამავედროულად მას, რაიონის მრავალი სკოლის მშენებლობაში განსაკუთრებული წვლილი მიუძღვის. წლების განმავლობაში რაიონის მასწავლებელთა პროფკავშირების უბაღლო თავმჯდომარე იყო.

რედაქციაში ხშირად გვსტუმრობდა. 82 წლის ასაკში მოსაგონარი ბევრი ჰქონდა, ჩემთვის შვილებით საყვარელი ხართო, გმეტყობდა და სევდანარევი ხმით გვიყვებოდა მისი სიცოცხლის ტკბილ-მწარე ეპიზოდებს... ობლობაში გამოზრდილმა საკუთა-

რი 3 შვილი ასევე ობლობაში გამოზარდა, რაიონში დაფასებულ პედაგოგთან, ლამაზ და თბილ ქალბატონ ლამარა ჯიქიასთან თანაცხოვრება ხანმოკლე გამოდგა. წუთისოფლის კანონების სიმწარე სრულიად ახალგაზრდამ იწვინა. მოგვიანებით სცადა კი ცხოვრების ხედრის ბედისწერის შემობრუნება, მაგრამ აშაოდა.

სიამაყე და მედიდურობა მისი ცხოვრების წესი არ გახლდა. მაგრამ საამაყო ბევრი ჰქონდა, თუნდაც ცხოვრების გავლილი გზა, ოჯახი, სახელოვანი შვილები და შვილიშვილები.

მიუხედავად ასაკისა, ბატონი შალვა ხარებავა საზოგადოებამ დიდი სიყვარულით გააცილა უკანასკნელ გზაზე. დიდი სითბო გაუკვალავს გზას ცათა სასუფეველისკენ მის გარანტად, რომ მისი ხსოვნა დიდხანს დარჩება თაობათა გულში.

მერი ლავილია

ხობის მუნიციპალიტეტის საკრებულო და გამგეობა თანაუგრძობს ფოთის საქალაქო სასამართლოს მოსამართლეს ბატონ შოთა სირაძეს, მამის **ვაჟა სირაძის** გარდაცვალების გამო.

ხობის საგანმანათლებლო რესურსცენტრი ღრმად მწუხარებით იუწყება, რომ გარდაიცვალა განათლების დარგის ღვაწლმოსილი მუშაკი, ხობის განათლების განყოფილების ყოფილი გამგე, რესპუბლიკის დამსახურებული პედაგოგი, ღირსების ორდენოსანი, ქ. ხობის საპატო მოქალაქე ბატონი **შალვა ხარებავა** და სამძიმარს უცხადებს მის ოჯახსა და ახლობლებს.

ეროვნულ-სამეცნიერო აკადემია „ფაზისის“ პრეზიდენტი ბატონი ნუგზარ ნადარაია, აკადემიის პრეზიდენტთან ერთად, მწუხარებით იუწყება, რომ გარდაიცვალა აკადემია „ფაზისის“ აკადემოსი, ხობის „საპატო მოქალაქე“, დამსახურებული პედაგოგი, თაობათა ნიჭიერი აღმზრდელი, სპეტაკი და კეთილსინდისიერი ადამიანი, მისაბაძი მამულიშვილი, ღირსეული ოჯახის მამა და ბაბუა ბატონი

შალვა ხარებავა

ვწუხვართ და ვუსამძიმებთ ბატონ შალვას ოჯახს, ნათესავ-მეგობრებს, ახლობლებსა და თანამებრძოლთ, ხობის პედაგოგიურ საზოგადოებას.

აკადემია „ფაზისის“ პრეზიდენტი.

ჩვენს მუნიციპალიტეტში

ხოზის მუნიციპალიტეტში საჯარო სკოლების ინფრასტრუქტურის მოწესრიგება

- ✓ განხორციელდა 21 საჯარო სკოლის ინფრასტრუქტურის რეაბილიტაცია;
- ✓ საჯარო სკოლების ინფრასტრუქტურის მოწესრიგებაზე დაიხარჯა 1 611 000 ლარი;
- ✓ ხუთ სკოლაში მოეწყო სამედიცინო ოთახი;
- ✓ გაზიფიცირებულია ხოზის N1 და ხოზის N2 საჯარო სკოლები;
- ✓ განხორციელდა ქ. ხოზის N1 და საჯიჯაოს N1 სკოლების სპორტული დარბაზების რეაბილიტაცია;



ქალაქი ხოზი

მიმდინარეობს:

- ქ.ხოზის N1 საბავშვო ბაღის რეაბილიტაცია;
 - ხოზის კულტურის სახლის რეაბილიტაცია;
 - წყლის სისტემის რეაბილიტაცია, რომლის დასრულების შემდეგ ქ. ხოზის მოსახლეობა უწყვეტი წყალმომარაგებით ისარგებლებს;
 - ხოზის ცენტრალური სტადიონის რეაბილიტაცია;
- დაგეგმილია:**
მრავალფუნქციური სპორტული კომპლექსის მშენებლობა;
კონსტანტინე გამსახურდიას ქუჩაზე ასფალტ-ბეტონის საფარის დაგება.



„სოფლის მხარდაჭერის პროგრამით“ განხორციელებული პროექტები

ხოზის მუნიციპალიტეტის ადმინისტრაციულ ერთეულებში, „სოფლის მხარდაჭერის პროგრამის“ ფარგლებში დაგეგმილი პროექტების მნიშვნელოვანი ნაწილი დასრულებულია.

- * პირველ და მეორე გურიფულში ამოიწმინდა სანიაღვრე არხები;
- * საჯიჯაოში აშენდა მოსაცდელი და შეკეთდა შიდა სასოფლო გზები;
- * ხამისკურში დასრულდა სამანქანო ხიდის რეაბილიტაცია, შეკეთდა შიდა სასოფლო გზები;
- * ხეთაში შეკეთდა შიდა სასოფლო გზები, ამოიწმინდა სანიაღვრე არხები და მოეწყო ხიდ-ბოგირები;
- * ქვემო ქვალონში შეკეთდა შიდა სასოფლო გზები, ამოიწმინდა სანიაღვრე არხები;
- * საქართველოს მთავრობის 2016 წლის 19 თებერვლის განკარგულებით, ხოზის მუნიციპალიტეტს, „სოფლის მხარდაჭერის პროგრამის“ განსახორციელებლად 848311 ლარი გამოეყო.

განაცხადები

სააქციო საზოგადოება „ბედელი“ აცხადებს სამეთვალყურეო საბჭოს არჩევნებს, რომელიც ჩატარდება 2016 წლის 29 სექტემბერს, 15 საათზე. მისამართი ქ. ხოზი, 26 მაისის ქ. №6.

სააქციო საზოგადოების წევრთა დასწრება სავალდებულოა..

ნუზარ ბუკია,

სააქციო საზოგადოების თავმჯდომარე.

დაფუძნებელი: ხოზის მუნიციპალიტეტის საკრებულო.

გამომცემელი შპს „ხოზის მოამბე“

სარედაქციო კოლეგია:

- თავმჯდომარე შ.პ.ს. „ხოზის მოამბე“ დირექტორი-მერი ლავგილავა,
- თავმჯდომარის მოადგილე, დირექტორის მოადგილე-ნანი კილასონია.
- რედაქტორი-მანანა შულაია.
- ჟურნალისტები-ნინო გერგაია, ნაირა ბერაია.
- კომპიუტერული უზრუნველყოფა-ჯულიეტა ლატარია.

გაზეთი ხელმძღვანელობს თავისუფალი პრინციპებით. გაზეთში დაბეჭდილი მასალის სიზუსტეზე პასუხისმგებელია ავტორი.

მოლოცვა

თამარ და ელენე ალანიებს

თამარ და ელენე ალანიებს-ბიძაშვილებს, სექტემბრის თვეში დაბადებულს.



გილოცავთ დაბადების დღეს. ჩემო ფერიებო გისურვებთ ყოველივე საუკეთესოს.

გაზრდილიყავით ჯანმრთელი, ბედნიერი და სასახლო. მიყვარხართ, გვოცნით.

კუკლა (აგრაფინა) ბებო.

ლადი და ლამაზი დღეები გდონებოდეთ

ზაფხულის პაპანაქება დაცხრა. საზაფხულო არდადეგები მიიღია, ქუჩები ბავშვების ურიაშულმა აახშიანა, აფერადდა საბავშვო ბაგა-ბაღის ეზო...

19 სექტემბერი. ხოზის მუნიციპალიტეტის №2 საბავშვო ბაგა-ბაღს, რომელსაც მოფერებით „ნარგისას ბაღს“ ეძახიან, მიმდებარე ტერიტორიაზე მანქანების ბუმი. ეზო პატარების უივილ-ხივილს ვერ იტევს. მუსიკის ჰანგები

სასკოლო მზაობის ჯგუფი, სადაც 5-6 წლიანები ორ პარალელურ ჯგუფში იქნებიან გაერთიანებულნი. საამისოდ აღმზრდელები უკვე გადამზადდნენ.

ტრადიციული ზეიმით შეეგებნენ პატარებს მსახიობებადქცეული აღმზრდელ-მასწავლებლები. ისინი ზღაპრებისა და საბავშვო მოთხრობების გმირებს განასახიერებდნენ. ვინ იყვნენ ისინი? წითელქუდა და მგელი, მამა და დათვი, კატა, ბურატინოები თუ ჯამბაზები... ისმოდა სიმღერები, ცეკვავდნენ და ურიაშულდნენ დიდები და პატარები...

ზეიმი დიდხანს გაგრძელდა. ამ დღეს პატარებსა და სტუმრებს მიესალმა და ბედნიერი დღეები უსურვა ხოზის მუნიციპალიტეტის საკრებულოს სოციალურ სა-



კიდევ უფრო აძლიერებს იქ მყოფთა ურიაშულს. ზეიმი ალსაზრდელებისა და აღმზრდელების მონატრება პიკს აღწევს, ყველა ხალისობს... ბაგა-ბაღის განახლებული და დამშვენებული ეზო, ოთახები და ფოიე, მნახველს იზიდავს. ვის არ ნახავთ აქ, სტუმარი თუ მასპინძელი ბედნიერების სხივს ასხივებს.

ორშაბათი განსაკუთრებული დღეა. გასაკვირი არაფერია, აქ მუდამ სილამაზეა და ზეიმი, თუმცა ყველა ერთმანეთისგან განსხვავებული და განსაკუთრებული.

პატარებს ბევრი სტუმარი ჰყავთ: მშობლები, ახლობლები, ხოზის მუნიციპალიტეტის გამგეობისა და საკრებულოს მესვეურები...

ზეიმი, როგორც ყოველთვის, გახსნა ბაგა-ბაღის მთავარმა სპეციალისტმა ნარგისა ტულუშმა. მან აღნიშნა, რომ წელს 180 აღსაზრდელი 6 ჯგუფში განახლებს მეცადინეობას.

აქ წელს პირველად იფუნქციონირებს

კითხთა კომისიის თავმჯდომარე დლო გაბუნია.

დასასრულს ქალბატონი ნარგისა ტულუშმა კიდევ ერთხელ მოესიყვარულა აღსაზრდელებს და წარმატებული წელი უსურვა.

ფეიერვერკმა ზეიმის დასასრული გვაშენო.

მუსიკის თანხლებით პატარები თავიანთი ჯგუფებისკენ გაემართნენ...

გილოცავთ! წარმატებები, ლადი და ლამაზი დღეების სიმრავლე გქონებოდეთ ჩემო პატარებო-ჩვენი ქვეყნის ხვალისდღეო დღე!

დაე, თქვენთვის მუდამ ყოფილიყოს უღრუბლო და ბედნიერი დღეები!

ნანი კილასონია.



გაზეთი აუქმო და დაბეჭდილია შპს „ხოზის მოამბე“.

მის: ხოზი, წმინდა ნინოს ძეგლი №1

ტელ: 0 (414) 22-21-13; 22-25-81; 599-50-40-57.

ელ. ფოსტა: xobismoambe@mail.ru

დაიბეჭდა შ.პ.ს. გამომცემლობა „კოლორში“. თბილისი, რკინიგზის ჩიხი №20.